

Նալ բարեսիրտ Աւօյին, որի պատմութիւններն իր որսորդական կեանքից այնքան հետաքրքրում էին, այնքան ոգեւորում էին ինձ...

Բայց որքա՛ն մեծ եղաւ իմ ուրախութիւնը, երբ ճանապարհին Սազօն դարձաւ ինձ այս խօսքերով.

– Գիտե՛ս, ուր ենք գնում, Ֆարհատ:

– Ինձ ոչինչ չէ ասել Կարօն, – պատասխանեցի ես:

– Դու յիշո՛ւմ ես որսորդ Աւօյին, այն լուռ, միշտ խոժոռ մարդուն, որ մի ժամանակ ձեր դրացին էր. մենք գնում ենք նրա տունը: Տե՛ս, այն սարերի մեջն է բնակւում նա:

Սազօն ձեռքը մեկնեց դեպի արեւմուտք, կարծես, ես գիշերային խաւարի մեջ կարող էի տեսնել նրա ցոյց տոած տեղը:

– Յիշում եմ, – պատասխանեցի ես մի առանձին բաւականութեամբ:

– Հիմա բոլորովին ծերացած կը լինի Աւօն, տասներկու տարի է, որ չեմ տեսել նրան:

– Հին վիշապները շուտ չեն պառաւում: Դու կը տեսնես նրան շատ քիչ փոխոած, – ասաց Սազօն իր սովորական հեզնական եղանակով: – Բայց մի՛տո՞ղ է, Ֆարհատ, Աւօյի որդեգիրը՝ Յասոն, որին մենք դպրոցում կոչում էինք «Էշի փալան»:

– Որին մեր վարժապետը կոչում էր «սատկածէ, – անելացրի ես, – որը ոչինչ չէր սովորում եւ շուտ յոգնում էր, երբ ման գալու էինք գնում. աշակերտները շատ անգամ ստիպոած էին շալակել նրան եւ ետ բերել դաշտից:

– Հէնց նա, գտար. բայց հիմա որ տեսնես, չես ճանաչի, այնքան հաստացել է, սարի արջ է դարձել. երեւի, վրայ եկաւ լեռնային օդը:

– Ի՞նչ է շինում:

– Գրողը տանի նրան, հիմա տուն ու տեղի տեր է դարձել, վար է վարում, ցանք է անում. կնիկ ունի. ամէն տարի երկու հատ ծնում են. տունը լիքն է երեխաներով. ճանճերի նման վժվժում են:

– Էլի այնպէս մաղձո՛տ է, որպէս առաջ:

– Հիմա օրինաւոր մարդ է դարձել. իստակ հոգի է տալիս, երբ նրա տունն ես մտնում. ուզում է՝ ինչ որ ունէ, ինչ որ չունէ, քեզ ուտացնել ու այնպէս ճանապարհ դնէ:

– Ուրեմն հարո՛ւստ է:

– Գութան ունի, անասուններ ունի. հէնց ես ու դուն մնացինք առանց ոչնչի, Ֆարհատ: